

767396

贈送

docriver 文川网
古籍书城
获取更多电子书

Yp-311

宜基 贈書
景石 石漢

臺灣府輿圖纂要
臺灣地輿全圖

(合訂本)

臺灣文獻史料叢刊

第二輯

(33)



臺灣大通書局印行



21113001123871

臺灣文獻叢刊第一八一種

臺灣府輿圖纂要

弁言

臺灣省立臺北圖書館藏有「臺灣府輿圖纂要」（封面題箋「輿」書作「總」）及臺灣、鳳山、嘉義、彰化、淡水、澎湖、噶瑪蘭等七縣廳的「輿圖纂要」寫本各一冊，合計八冊。各冊除了蓋以省立臺北圖書館「藏書章」以外，尙連續蓋有「臨時臺灣舊慣調查會圖書印」、「臺灣總督府圖書」、「臺灣總督府圖書館藏」等印章以及「大正十年六月十八日臺灣總督府ヨリ保管轉換」之戳記（年月日數字係填寫）。凡此，可資說明這八冊「輿圖纂要」初爲日據時期的臨時臺灣舊慣調查會所得或所抄以及隨後入藏的經過。其在日據時期所編的書號，八冊同爲「漢四三九號」，並各註明「八冊」字樣；這又可證各冊名稱雖不同，實際卽爲一套完整的文獻。按臺灣的行政區劃，當清康熙二十三年正式收入版圖以後，初設臺灣府（隸福建省），下分臺灣、鳳山、諸羅三縣（澎湖隸臺灣縣）；至雍正年間，先後析增彰化一縣及淡水、澎湖二廳。後至嘉慶十五年，又增置噶瑪蘭廳，成爲臺灣一府與所屬臺灣、鳳山、嘉義（乾隆五十二年林爽文亂後，諸羅改稱）、彰化四縣及淡水、噶瑪蘭、澎湖三廳。此一行政區劃，迄於同治十三年日兵侵臺以後再一次改革止，中間延續六十餘年。這套一府七縣廳的「輿圖纂要」，洵可謂這一階段的臺灣「地理志」。

docsriver 文川网
入驻商家 古籍书城

在文川网搜索古籍书城 获取更多电子书

顧名思義，「輿圖纂要」自以地圖爲首；各縣廳的輿圖分別見於卷端，惜「臺灣府」的「總圖」付諸闕如（按「例言」，似應有圖；疑已失）。所纂文字部分，約各分爲「表」、「冊」、「說」三種（但「臺灣府」無「表」，「彰化縣」與「淡水廳」無「說」）；先列以「表」，而以「說」爲殿。「說」係概括的說明「地方的形勢與險要」（因亦有題稱「險要說」者），「表」與「冊」大體各分疆界、坊里、山川、橋渡、城池、衙署、防汛、道里諸目分別列叙（澎湖因地理特殊，分目略有變更）。此外，在「表」以前，間亦加有「凡例」性質的例言。「嘉義縣」的「凡例」末尾，並附有「餘例與龍溪同」一語；足見這套「輿圖纂要」或爲福建通省的一部分，非僅臺灣一府所獨具。至其編纂的動機與旨趣，未見說明；但每見有「履勘所及」以及「造報」、「以呈」、「以聞」等辭句，似爲一次有計劃、有規模的「測勘」所作的「報告文獻」，殆屬無疑。又，在各「冊」或「說」中頗多叙及嘉慶、道光、咸豐年間以及同治元年「戴案」與各國洋艘收入鷄籠海口、遠赴滬尾完稅諸事，推究其纂輯時間，當在同治初年不久。臺灣自乾隆二十九年余文儀續修「臺灣府志」後至光緒建元，其間罕見有通府「地理志」的編纂；自此以降，雖有夏獻綸著「臺灣輿圖」一書（「文叢」第四五種），然時在光緒五年行政區劃再度變革之後，情形已各不同。因此，這套「輿圖纂要」，亦可謂前繼「余志」、後逮「夏圖」上下相承的輿地文獻。

茲將這套文獻略爲整理編次，彙印一書，即名之曰「臺灣府輿圖纂要」。（知非）

臺灣府輿圖纂要目錄

臺灣府輿圖纂要	(一)
臺灣縣輿圖纂要	(七七)
鳳山縣輿圖纂要	(一九)
嘉義縣輿圖纂要	(一五三)
彰化縣輿圖纂要	(二〇七)
淡水廳輿圖纂要	(二五一)
噶瑪蘭廳輿圖纂要	(三〇三)
澎湖廳輿圖纂要	(三三七)

臺灣府輿圖纂要

臺灣府輿圖纂要

例言

一、總圖方寸無幾，就中所有難以圖寫者詳具於冊。其疆域用□、坊里用○、衙署用○、舖舍用△、汛塘用△，凡皆遵例標明，以便觀覽。

一、各屬輿圖有表、有冊；總冊於疆域、坊里各門彙列條貫，第紀總目，不復列表。

一、「府志」續修於乾隆二十九年，所載山川支分發脈之處類多失詳，道里亦多差錯；更有今昔殊形，稱名互異，廳縣攸分界限淆混者。各屬圖冊，尤不免有此失。爰加詳細採訪，逐一訂正，以成信說。

一、屯番與戍兵相輔，必須補入。至各屬所載橋梁、古井不免紛繁，且與險要無關；概爲刪削。

一、淡水、噶瑪蘭具載防番、隘寮。今查番性日馴，所有隘丁、隘寮均爲虛設，甚有名存實廢者；各屬既未全錄，故亦不載。

一、內山雖屬界外，然分界禁墾爲一時之權宜；究之今日之廳縣，卽昔日之禁地。附論所及，亦以志要。

臺灣府輿圖識

臺灣府四面皆海，繪輿圖者或於閩之東南繪爲一圈，固已失其形勢；或繪一彎而不知其藩蔽全省地方起止之處，亦差毫釐而謬千里。蓋自五虎門而臺山，波濤汹涌之中屹立關潼、白峽；至雞籠與五虎門對峙，至八里全與福寧府沙埕、烽火門對峙，鹿港與泉州之蚶江對峙，南路鳳山縣之旂後、東港與銅山、南澳對峙。惟鹿耳門居郡治西北，澎湖對峙笨港，又居鹿耳門西北；則與同安縣之廈門，東南斜對。不明乎此，固難形似而概繪一彎。又不知袤延千里，只論山前西、南、北一帶；其自噶瑪蘭南下，萬山重疊，悉皆化外。中間山谷之紆迴、平地之宏敞，一僅遙際一抹，郡邑志圖其可名而去其不可知。今則徵之故老、參以聞見，詳所名而及其可知；雖尙有不可知、不可名者，較其形勢已異疇昔。由此化僇筮爲良民，舉前此所不知之處而益詳其所知，又當進斯圖而更議之矣。

圖成，並將各廳縣山川、方向、道里、保屬備載條下，詳及冊說，以便觀覽。

臺灣府輿圖冊

疆域

臺灣府，在福建東南大海中。自省會抵泉州同安之廈門，陸程六百里；橫渡澎湖水程七更，抵府治水程四更，每更六十里，計六百六十里；共計水程一千二百六十里。領臺灣、鳳山、嘉義、彰化四縣、淡水、噶瑪蘭、澎湖三廳，東西廣四百五十里、南北袤一千一百七十一里；東不盡山、西不盡海。

臺山，由福州五虎門蜿蜒渡海（「彰化志」以爲由福寧府）。海島澎湖，距郡城西北；則聞老船戶云：「北礁一道沙線，直通泉州崇武澳東南洋面；或寄旋其上，水比他處較淺」。因悟形家云「泉州清源山一支趨向東南入海」一說，蓋有據。或以吉貝與金門之料羅對面，謂湖島發源於太武山者，又屬一說。要其千里奔騰，神州拱衛。凡盤旋屈曲，起伏結注之地可造郡邑、置村落者，皆西向內地；水出於山，亦隨向歸於海；地理固有不忘本歟！

潮流，只分南北。舟人以羅盤按定子午橫流而渡，抵廈乾向、抵臺巽向。其中黑水二溝：一在澎湖之東，廣可八十餘里，爲臺、澎分界處，名曰小洋。一在澎湖之西，亦

八十餘里，澎、厦分界處，名曰大洋；風靜時，尙可寄旋。小洋則不可寄旋；湍激悍怒，險過大洋逾甚。

舊載：「東至羅漢門莊內門六十五里，西至安平七里」。今查東至善化里內中股老農莊一百二十里；西至赤嵌城西大港口十里，至澎湖水程二百四十里，澎湖縱、橫又皆八十里（「臺邑志」云：「海洋行舟，以筒漏實細沙懸之，沙從筒眼滲出，復承以筒」；上筒沙盡，下筒沙滿爲一更，每更舟行四十餘里。計鹿耳門至澎湖四更。「樵書二編」以日夜爲十更，定焚香幾枝爲度。船在大洋，風潮有順逆、船制有利鈍，法以木片投於船首海中，人從船首疾至船尾，木片與人齊至爲準；先後則皆未合。夫大海洪濤之中，難以里計；六十、四十以數，亦約言而非確據矣」。或又云：鹿耳門至澎湖五更。今依「府志」所載）。

志載：「沙馬磯頭，在鳳山縣西南三百七十里」。蓋謂遶道陸行。合之鳳治北至郡八十里，計四百五十里。若由郡治北至噶瑪蘭廳治六百七十一里，則由西繞東、由北而南迄蘇澳又五十里；程途彎轉，不能以表長論，并計之已耳。

臺灣縣（附郭），東至老農莊一百二十里、西至赤嵌城西大港口十里、南至二層行溪鳳山界一十三里、北至曾文溪嘉義界三十里；廣一百三十里、袤四十三里。

鳳山縣，東至瀾濃山麓七十里、西至旂後港十五里、南至沙馬磯頭三百七十里、北至二層行溪臺灣界六十七里。廣八十里、袤四百三十七里；距府八十里。

嘉義縣，東至大武壠山麓三十里、西至笨港三十里、南至曾文溪臺灣界七十里、北至虎尾溪彰化界四十里。廣六十一里、表一百一十里；距府一百里。

彰化縣，東至平林仔莊七十五里、西至鹿港海岸二十五里、南至虎尾溪嘉義界六十里、北至大甲溪淡水界四十里。廣一百里、表一百里；距府二百里。

淡水廳，東至南山十里、西至大海八里、南至大甲溪一百零五里彰化界；北至大雞籠山一百九十五里，由三貂（三貂距離龍較近五里）轉遠望坑噶瑪蘭界五十里。廣十八里、表三百五十里；距府三百四十五里。

噶瑪蘭廳，東至過嶺仔十五里、西至枕頭山後大陂山十里、南至蘇澳五十里、北至大三貂溪遠望坑八十一里淡水界。廣二十五里、表一百三十一里；距府六百七十一里。澎湖廳，東至陰陽嶼水程三十里、西至西嶼水程三十里、南至八罩水程八十里、北至吉貝水程八十里；距府水程二百四十里。

坊里

臺灣縣

在城

東曰東安坊、西曰西定坊、南曰凝南坊、北曰鎮北坊。

村野

東曰保大東里：城東二十里起，莊九；保大西上、下里：城東九里起，莊二十一；新豐里：城東二十里起，莊二十八；長興里：城東四里起，莊十；永康上、中里：城東三里起，莊十八；永康下里：城東一里起，莊十八（建城後，有收入城內者）；仁和里：城東三里起，莊十二；羅漢內門莊：城東五十五里起，莊四十；羅漢外門莊：城東六十里起，莊二十二。

南曰依仁里：城南十三里起，莊七；文賢里：城南十一里起，莊十；新昌里：城南一里起，莊五。

西曰効忠里：距縣治十里（即安平鎮。康熙六十一年改今名）。

北曰武定里：城北三里起，莊二十；新化里西保：城北十九里起，莊一十三（內四莊原屬嘉義，道光十五年改歸本邑）；善化里東保：城北二十二里起，莊十九（由嘉義改歸）。

東南曰崇德東里：城東南十七里起，莊二十二；崇德西里：城東南十四里起，莊六；歸仁南里：城東南十里起，莊十；歸仁北里：城東南十六里起，莊十六；永豐里：城東北十五里起，莊九；仁德南里：城東南六里起，莊九；仁德北里：城東南五里起，莊十四。

docsriver 文川网
入驻商家 古籍书城

在文川网搜索古籍书城 获取更多电子书

西南曰永凝里：城西南六里起，莊六。

東北曰新化東里：城東北二十八里起，莊六；新化西里：城東北二十里起，莊二；廣儲東里：城東北十三里起，莊九；廣儲西里：城東北十二里起，莊十二；新化南里：城東北二十里起，莊三十二；善化里西保內中股，城東北四十八里起，莊三十七，又城西北二十四里起，莊十四（嘉義改歸）；大穆降東、西莊：城東北二十五里起，莊五；安定里東保：城西北十六里起，莊二十由（嘉義改歸）。

——右坊里三十六、莊四百七十七。

鳳山縣

興隆里（即舊縣治）：距縣城西北十五里。

長治里（分一、二圖）：距縣城北七十里。

維新里：距縣城北五十五里。

仁壽里：距縣城北三十里。

嘉祥里：距縣城東北五十五里。

文賢里：距縣城西北六十七里（北隸臺邑）。

港東里：距縣城東南五十里。

港西里：距縣城東南三十五里。

觀音里：距縣〔城〕東北二十里。

半屏里：距縣城東北一十里。

赤山里：距縣城東南十五里。

大竹橋里：距縣城東南二十里。

小竹橋里：距縣城東南三十五里。

鳳山里：距縣城西南三十里（分上、中、下三莊）。

——右里一十四（村莊圍聚，不分小莊名目）。

嘉義縣

哆囉囑東上保：莊十七。

哆囉囑東下保：俱城東三十里起，莊四十。

嘉義東保：城東四里起，莊四十三。

大目根保：城東六里起，莊三十九。

打貓東上保：城東二十三里起，莊三十六。

打貓東下保：城東六里起，莊三十一。

果毅後保：城東四十里起，莊十。
白鬚公潭保：城東四十里起，莊四十四。
嘉義西保：城西三里起，莊三十二。
鹿仔草保：城西二十五里起，莊十三。
龍蛟潭保：城西四十里起，莊二十二。
柴頭港保：城西三里起，莊二十三。
大糠榔保：城西三十里起，莊十七。
大坵田東保：城西三十三里起，莊二十二。
白沙墩保：城西三十里起，莊一十二。
茅港尾保：城南五十二里起，莊二十。
鐵線橋保：城南四十里起，莊二十二。
下茄苳南保：城南八里起，莊二十八。
下茄苳北保：城南十五里起，莊三十九。
打猫西保：城北十八里起，莊十八。
打猫北保：城北八里起，莊二十四。
他里霧保：城北二十五起，莊五十七。

善化里東保：城東南六十五里起，莊八。

善化里西保：城東南七十里起，莊十。

赤山保：城東南五十里起，莊二十二。

打貓南保：城西南六里起，莊四十。

安定里西保：城西南八十里起，莊二十二。

麻豆保：城西南六十七里起，莊二十四。

佳里興保：城西南六十三里起，莊十三。

太子宮保：城西南四十五里起，莊四。

鹽水港保：城西南四十里起，莊二十二。

安定里西港仔保：城西南八十里起，莊二十四。

斗六門保：城東北三十四里起，莊五十四。

鯉魚頭保：城東北六十里起，莊十三。

尖山保：城西北四十里起，莊四十八。

大坵田西保：城西北三十二里起，莊二十二。

——右保三十六、莊九百八十四。

彰化縣

沙連保：城東南隅，距城九十餘里；莊五十一。

西螺保：在南極邊與嘉義界，距城五、六十里；莊五十三。

布嶼保（分東、西保）、海豐保：西南沿海交界，距城七十里；莊四十六。

大武郡保（分東、西保）：在東螺保之北，距城三十餘里；莊六十一。

二林保（分上、下保）：在西南極邊，距城四十餘里。

深耕保：在東螺交界處，距城五十餘里。二保共莊一百零六。

燕霧保（分上、下保）：在大武郡東北，距城二十餘里；莊五十二。

大肚保（分上、中、下三保）：在正北，與淡水交界，距城二十里至四十里；莊六

十五。

馬芝保（分上、下保，附鹿港半保）：在西南沿海一帶，距城二十餘里；莊九十一。

半線保（分東、西保）：周圍城廂；莊一百一十七。

南北投保、貓羅保：在縣東南與沙連交界，距城三、四十里；莊一百四十一。

貓霧揀保（分上、下保）：在東北隅，與內山淡水交界，距城十五里，周六、七十

里；計一百四十莊。

東螺保（分東、西保）：在西螺、大武郡二保交界，距城四十里；莊七十二。
——右保一十五、莊九百九十五。

淡水廳

城以外周圍六鄉：東，二十五莊。西，一十莊。南，近山；一莊。北，一十七莊。
東北，一十六莊。西北，一十莊。

又南北一十二保：

北兼東曰桃澗保：莊二十九；興直保：莊一十九；芝蘭保：莊三十二；大加臘保：
莊一十六；石碇保：莊一十四；拳山保：莊一十四；擺接保：莊一十七。

南曰中港保：莊二十六；後壠保：莊三十三；苑裏保：莊一十五；大甲保：莊二十
九。

——右鄉六、保十二、莊二百四十四。

噶瑪蘭廳

東曰民壯圍保：城東三里起，莊三。

南曰羅東堡：城南十五里起，莊二；那美堡：二十二里起，莊七。

西曰員山堡：城西七里起，莊七。

北曰洪武蘭堡：城北五里起，莊七。

東南曰茅仔寮堡：城東南十五里起，莊三；利澤簡堡：二十六里起，莊三。

西南曰溪洲堡：城西南十五里起，莊三；清水溝堡：十四里起，莊三。

東北曰頭圍堡：城東北十二里起，莊四。

——右堡十、莊四十二。

澎湖廳

廳治在大山嶼，嶼有五澳。曰東西衛澳，社十；詩裏澳，社一十二；林投澳，社十；奎壁澳，社九；鼎灣澳，社九：以上五澳，至廳治陸路可通。

大山嶼之北爲北山嶼，有四澳。曰瓦硿澳，社九；鎮海澳，社四；赤嵌澳，社二；通梁澳，社一：以上四澳，中隔一港，潮退則路可通。又北，吉貝澳；社一。

大山嶼之西，爲西嶼澳；社十。南爲網垵澳，社六；水垵澳，社三。

——右澳十三、社八十二（嶼可泊舟白澳，社則人民里居）。

山水

臺灣縣

大烏山：在縣東北百餘里。中支注結縣治，爲邑祖山。

分水山：距縣治五十里。稍下西行爲分水崙，水分西、北。

草山：由分水崙西行，逶迤聳起；爲邑少祖山。

內烏山：在新豐里，距縣治四十里。高峯雄偉，〔爲〕邑第三重屏障。

一峯尖山：在大烏山西南，孤峯挺拔。西下起伏，爲三凸崙；迤崙西行，平列天馬峯、蠓鏡窗、飛鷲巢、猴曬日、接雲峯、山猪路、獐子、壁尾等八峯。自南而北，連亘二十餘里；爲邑第二重屏障。

老鷓嶺：距縣治二十八里。由蠓鏡窗西下，中間南北諸峯星羅碁布、叢叢鳥道，多不知名。

馬鞍山：由老鷓嶺西下。

香洋山：距縣治四十三里。由馬鞍山西下，平疇二十餘里。

嵌頂山：距縣治七里，在香洋西；小阜嶽嶽。亘南北二十餘里，橫遶邑背；爲邑第一重屏障。

石屏山：由分水崙西落脈。

翁子上天山：「在」石屏山之南。

雁門山：在縣治東五十里。從前由此入羅漢內門，今改由大坪山後。

土樓山：「在」縣治東二十餘里。下有大坪社。又曰大坪山，亦名險山。峭壁橫徑，險不容趾。

茅草埔山：距縣治三十五里，大坪山西南；爲邑左臂。

九圍圈山：距縣治三十二里，在茅草埔山之南；爲邑左臂外輔。

戶橈嶺：「在」九圍圈西北。

彎崎山：距縣治三十四里戶橈嶺西北。

虎頭山：距縣治五十五里彎崎山西北。

猴洞山：距縣治東南三十二里虎頭山西北；爲邑左臂拱衛。

角帶圍山：距縣治東南二十六里。過此則岡山，屬鳳山界。

番子湖山：在大烏山西北，距縣東北八十里。西爲剛仔林大、小尖山，地極危險。

左鎮山：距縣治東北五十里番子湖山北。

木岡山：由左鎮北踰溪，距縣治東北五十里。

卓猴山：由木岡西下，距縣治東北三十二里。

猪母耳山：在卓猴山西南，距縣治東北二十一里。

柳仔林山：在猪母耳南，山勢若合若離；爲邑治右臂。

噴噴哩山：距縣治二十四里柳仔林山南。

草潭山：在噴噴哩山北過溪。

湖子內山：山勢蜿蜒；爲邑右臂拱衛。

馬房山：距縣治北一里許，迤下爲柴頭港。廻環而西，勢皆內抱。

魁斗山：縣治南三里許。脈由東南營盤埔等崙而來；陡起三峯，朝拱府學，蜿蜒內抱。

南馬仙山：距縣治東七十里，在淡水溪東；重岡複嶺。北接嘉義、南抵鳳山，亘延數十里。

目眉徽山：羅漢內門北山，距縣治六十五里。

蘇遠埔嶺：在目眉徽之南。踰嶺爲內、外湖。

石門山：西有燒灰山，下爲石門坑。

赤竹嶺：在石門南。

三峯崙：在赤竹嶺東。

小東方木山：在三峯崙南。

大東方木山：〔在〕內門正東生番界。東上，卽南馬仙山。

大葉林山：大東方木南上。

龍潭山：〔在〕大葉林之南。下爲龍潭。

金交椅山：距縣六十里。

大崎越嶺。

鼓山。

以上皆內門東壁，至此出羅漢外門。

將軍山：由鼓山折西而起。

銀錠山：距縣治六十二里；爲內門南壁，地易藏奸。溪東旗尾山，卽鳳山界。

外烏山：距縣治五十五里，在銀錠南。自西徂東亘數十里，爲南壁外屏。

獐子壁山：〔在〕外烏山之南。

大傑巔山：南壁外屏。

蝦蟇林山：內門西壁。

自眉徽以下，皆內門山。查內門在縣治東北六十五里，四壁皆山；中開平疇，東、西可二十餘里，南北可三十里。北山只有分水崙，西行至內烏山止。

老農山：〔在〕善化里內中股，距縣治一百二十里。下有老農莊，近火山界。

甲仙山：〔距〕縣治東北九十六里。下爲甲仙埔、芎蕉脚、匏仔寮等社。

內加拔山：〔距〕縣治東北七十里。臺、嘉相錯，民番互界；亦阨要地。

東西烟山：〔距〕縣治東北六十五里。

駱駝山（〔府志〕作鹿馭山）：〔距〕縣治東北六十五里。

虎頭山：〔距〕縣治東北六十三里。

大武壠山：〔距〕縣治東北六十里。臺、嘉牙錯之區，亦阨要地。

以上內中股等山。

新莊山：〔在〕新化西里，距縣治東北三十一里。

嗒仔內山：〔在〕廣儲東〔里〕，距縣治東北三十六里；環山蒼翠。卞爲糠榔脚。

七鯤身嶼：由東南連貫而來，西轉入海；環抱臺江。一鯤身地廣，安平鎮水師駐此；爲阨要地。

鹿耳門嶼：在縣治西北三十里大海中。浮沙橫亘，形如鹿耳。北爲北汕尾；亦沙嶼橫亘，與鹿耳門南北遙接。中一港頗寬，而港道紆迴，須小舟以導；隙口插竹爲標，記明深淺。從前正口由此，今時潮漲水二、三尺。

四草嶼：在鹿耳門嶼之末，迤南與安平對峙，出安平大港，卽四草湖；冬、春可以繫舟。南爲公界仔，洋船泊此通商。

福安坑：源出大南門內，由小西門西流入海（城內左分水）。

docsriver 文川网
入驻商家 古籍书城

在文川网搜索古籍书城 获取更多电子书

德慶溪（俗名坑子底）：源出小東門外；入縣城至竹仔行，會板橋頭水經縣署右出北廠，西流於海（城內右分水）。

溪仔墩溪：源出小東「門」外太爺爺前，南轉鹽場，西入於海（城外左分水）。

柴頭港溪：源出石頭坑。經海會寺前大橋水西，由柴頭港入海（城外右分水）。

喜樹港溪：源出鱸魚潭。由管林潭南流經鹽水埔，出喜樹港入海（第一條左分水）。

新港溪：在縣治西北二十里。受分水山及剛子林大、小尖山之水，經左鎮南匯本瀆溪，與新圍溪合；又受噴噴哩舊社咬狗寮許寬溪之水，西入蔦松，與新圍溪匯於柴頭港入海（第二條右分水）。

二層行溪：距縣治一十三里臺、鳳、嘉「界」。源出馬鞍山；經打鹿洲北，受深坑仔之水，南流入角帶圍；又受紅毛寮溪之水入海（第三條左分水）。

曾文溪：距縣三十里，臺、嘉界。源出內山，經大武壠；其一西入蟻殼港，其一南入界內新浮埔出安平港（第三條右分水）。

安平大港：距縣治西一十里。港以內爲臺江；匯聚各山溪之水，皆極宏深。今臺江變成陸地，港亦淤淺；小潮水深五、六尺，大潮水深八、九尺。

新打港：在三、四鯤身之間。道光二十二年，溪流衝開，可容小舟。

喜樹港：縣西南一十里。僅容竹筏。

——右山嶼六十二、溪港一十一。

鳳山縣

崇爻山：山極高大，在傀儡山後人跡不到之地。時常雲霧迷濛，晴時乃見。

大柴高山：距縣治東三百里。

大烏萬山：距縣治東二百七十里。背立傀儡山後。

二山唯和番民人偶至其地。

卑南覓山：距縣治東二百餘里，與崇爻相連。峯巒重疊，中開平曠，可闢良田萬頃。爲生番地。

大龜文山：距縣治東七十里。由卑南覓騰擲而來。

芋匏山：距縣治東七十里，與臺屬內優山連界。

瀾濃山：距縣治東七十里。山岡平行。

傀儡山：距縣治東六十五里。高聳雲霄，爲野番地。內地舟至澎湖，即見此山。南爲蜈蚣嶺，北嶺山後矣。

旂尾山：距縣治東六十五里，與臺邑分界。

赤山：距縣治東一十里。陂陁平行，時有火出其上。